

# 卷十

書名 精選古今名賢叢話詩林廣記十卷 弘治中刊本  
 撰者 宋 蔡正孫 輯  
 卷 卷十  
 內容分類 集-詩文評 詩話文話-南宋  
 索書號 倉石:41222  
 編號 4115300

[彩色首頁1](#)

[東洋文化研究所漢籍目錄 編號: 4115300](#)

[東洋文化研究所漢籍目錄所藏漢籍善本文影像資料庫 索書號: 倉石:41222](#)

[漢籍善本文影像資料庫文本精選古今名賢叢話詩林廣記十卷 弘治中刊本](#)

版權所有: [東京大學](#) [東洋文化研究所](#)

[使用上的注意事項](#)

精選古今名賢叢話詩林廣記一卷

蒙齋野逸蔡正孫

粹然

歐陽公

六一居士集卷之六

居士初謫滁山自號醉翁既老而衰且

將退休於潁水之上則又更號六一居士客有問曰

一何謂也居士曰吾家藏書一萬卷集錄三代以來

石遺文一千卷有琴一張有碁一局而嘗置酒一壺

是為五。一爾奈何居士曰以吾一翁老於此五物

間是豈不為六一乎

精選古今名賢佳話詩林廣記卷九

后集

精選古今名賢叢話詩林廣記卷十

后集

蒙齋野逸蔡

正孫

粹然

# 司馬溫公

**元城先生語錄**云先生呼溫公則曰老先生呼荆公則曰金陵老先生居洛先生從之十年老先生於國子監之側得故營地創獨樂園自傷不得與眾同也

**范滂**云公於物澹无所好其於德義甚於利欲其清如水而澄之不已其直如矢而端之不已居處必有法動作必有禮其被服如陋巷之士一室蕭然群書盈几



終日正坐泊如也。又以員木為警枕。少睡則枕轉而覺。乃起讀書。蓋恭儉勤謹出於天性。自以為適。不勉而能起。而澤被天下。內之兒童。外之蠻夷。戎狄莫不欽其德。服其名。惟至誠无欲故也。

**晁無名** 司馬公有言。吾无過人者。但平生所為。未嘗有不可對人言者耳。

。真率會

**温公集** 用安之韻招諸公于南園為真率會

榆錢零亂柳花飛。枝上紅英漸稀。莫厭啣盃不虛日。須知共力惜春暉。

真率者。未頻宴聚。不過東里即西家。小園容易邀佳客。饌具雖無亦有花。

**明皇** 洛中尚齒起於唐。白樂天至本朝。司馬君實

居洛。遂繼為之。謂之真率會。好事者寫成畫。傳于世。所謂九老畫者是也。

**福公集** 三月二十六日作真率會。伯康與君從。七十

八歲。女之七十七歲。正叔七十四歲。不疑七十三歲。叔

達七十歲。光六十五歲。合五百一十五歲。再成詩。用前

韻云

。用前韻再成

七人五百有餘歲同醉花前今古稀走馬鬪雞非我  
事紵衣絲髮且相暉

經春無事連翩醉彼此往來能幾家切莫醉斟十分  
酒儘教人笑滿頭花

按真率會止有七人而所謂九老者蓋像有九人不  
知彼二人者果何人哉集中不載也

真率會約云一序齒不序官一為具務簡素一朝夕食  
不過五味一菜菓脯醢之類各不過三十器一酒巡无  
筭深淺自斟主人不勸客亦不辭逐巡无下酒時作菜  
羹不禁一召客共作一簡客注可否於字下不別作簡

或因事分簡者聽一會日早赴不待促一違約者每事  
罰一巨觥四月日押

○詠懷

三十餘年西復東勞生薄宦等飛蓬所存舊業惟清  
白不負明君有朴忠早避喧煩真得策未逢危辱好  
收功太平觸處農桑滿羸取問閭鶴髮翁

**石林詩話**

温公熙寧間自長安得請留臺而歸始至

洛中嘗有詩詠懷其出處大節世固不容後議是時雖  
論事不合去而神宗眷遇之意愈厚然猶以避煩畏辱  
為言况其下者乎公自元祐初起為相至是已十七年



美度公之意初蓋未嘗以此自期也

○居洛初夏作

四月清和雨乍晴南山當戶轉分明更無柳絮因風起惟有葵花向日傾

**東臯雜記云**温公居洛陽作此詩其愛君忠義之志槩

見於此

○過邵康節居

拜罷歸來抵寺居解鞍縱馬免傳呼紫衣金帶盡脫去便是林間一野夫

又

草軟波清沙路微手携筇杖着深衣白鷗不信忘機久見我猶穿岸柳飛

**邵氏傳見錄云**温公判西京留司御史臺遂居洛濱買

園於尊賢坊以獨樂名之始與先君康節遊嘗曰光陝人先生衛人今同居洛即鄉人也如有道學之尊當以年德為貴官職不足道也公一日着深衣自崇德寺書局散步洛水堤上因過康節天津之居謁曰程秀才既見乃温公也問其故公笑曰司馬出程伯休父故曰程因留二絕康節亦和之

**附** 康節和温公韻

冠蓋紛華塞九衢聲名相軋在前呼獨君都不將為  
事始信人間有丈夫

又

風背河聲近亦微斜陽淡泊隔雲衣一霞白鷺在煙  
外將下沙頭却背飛

候康節

淡日農雲合復開碧伊清洛遠縈廻林間高閣望已  
久花外小車猶未來

**邵氏聞見錄**

云温公一日登崇德閣約康節久而不至

乃作一絕以候之康節至亦和其韻

**附**康節和温公韻

君家梁上年時燕過社今年尚未廻為罰誤君凝望  
久萬花深處小車來

。示道人

天覆地載如洪爐萬物死生同一塗其中松栢與龜  
鶴得年稍久終摧枯借令真有蓬萊山未免亦居天  
地間君不見太上老君頭似雪世人浪說駐紅顏

愚謂人居天地間有生必有死乃理之常生順死安或壽  
或夭惟脩身以俟命而已或者偷生怖死盜竊天機欲為長生  
不死之計斯惑矣司馬公此詩可謂達生死之理而安性命之



常者也。文公先生感興詩一章亦發明此意。今附于左。

**附** 文公先生感興詩第十四章

飄飄學仙侶，遺世在雲山。盜啓玄命秘，竊當生死關。  
金鼎蟠龍虎，三年養神丹。刀圭一入口，白日生羽翰。  
我欲往從之，脫屣諒非難。但恐逆天理，偷生詎能安。

○ 閑居

故人通貴絕，相過門外真。堪置雀羅我，已幽慵僮更。  
懶雨來春草一番多。

○ 夏日西齋書事

榴花映葉未全開，槐影沉沉雨勢來。小院地偏人不到，

到滿庭鳥跡印蒼苔。

溫公此詩寫閑居幽寂之意，條然於塵埃之表，於此可以見公之於物澹然而无所汨也。

○ 酬華嚴真師

知足隨緣處，安一身。溫飽不為難，禪房窄小絕容。  
膝此外從他世界寬。

**文昌雜錄** 司馬公居洛在陋巷所居絕能庇風雨，又

作地室嘗讀書於其中，蓋道德之尊亦不自知。顏氏子之樂也，故其銘布衾云：顏樂一瓢，萬世師模。紆居瓊室，死為獨夫。亦此詩之意云。

待制司馬公



待制公諱池丞相溫公之父

行色

冷於陂水淡於秋遠陌初窮到渡頭  
賴是丹青不能畫成應遣一生愁

**張文潛**

右行色詩待制司馬公所作也公以某年中

嘗監安豐酒稅實作此詩距今若干年其孫宏知縣事  
刻此篇于石屬予記之惟公以文學風節為時名臣是  
生丞相溫公以盛德名世以直道立朝名聞華夷功德

社稷其完節美行既載在天下而著書立言皆足以師  
模來世蓋嘗評古今詩句為詩話一卷亦載此詩以其  
甚工不敢以父子之嫌廢也梅聖俞以詩名一時嘗言  
詩之工者寫難狀之景如在目前言不盡之意見於言  
外此詩有焉



范文正公

文正名仲淹字希文

文正為岳陽樓記用對語說時景世以為奇尹師魯讀之曰傳奇体耳傳奇唐裴頠所著小說也

淮上遇風

一棹危於葉傍觀亦損神他年在平地無忽險中人

詩云范文正淮上遇風作此詩魚弄翰戲語卒然而

作其濟險加澤之心未嘗忘也

贈釣者

江上往來人盡愛。鮪魚美。君看一葉舟。出沒風濤裏。

**詩前名賦**

范希文贈釣者詩實寓深意不徒作也

**文選有鮪**

希文江上遇風及贈釣者詩語雖同而意

各有寓也

。十四夜月

天意將圓夜人心待滿時已知千里共猶訝一分虧

**隱居詩語云**

詩豈獨言志往識終身之事希文小官

時作此詩既而大負人望世期以為相而止於叅知政

事王介甫為殿中丞群牧判官時作郢州白雪樓詩略

云折楊黃花笑者多陽春白雪和者少知音四海無幾

人况復區區郢中少千載相傳始欲慕一時獨

曉古心以此分冥冥俚耳至今徒擾及作相更新天

下之務而一時沮壞之者蠱起皆如白雪之句也

。蚊

飽去櫻桃重飢來柳絮輕但知求旦暮休更問前程

**吳興澤國**

春夏之交地尤卑濕仍多蚊蚋東

坡作守日有詩云風定軒牕飛豹脚雨餘欄楯上蝸牛

真紀實也舊說秦州西漢濱海多蚊范文正為監鹽場

日題此詩想與吳興同患也

。孤兒扶喪



十口相携泛巨川來時煖熱去凄然關津若要知名  
姓便是孤兒寡婦舡

關津錄云范文正公鎮越有戶曹孫居甲卒子幼家貧  
公助之以俸錢百緡治巨舟差老衙校送歸作詩一絕  
戒其吏曰過關津但以吾詩示之

。釣臺

漢包六合網賢豪一箇冥鴻惜羽毛世祖功臣二十  
六雲臺爭似釣臺高

子陵釣臺賊者甚衆如文正公此詩真足以庶頑立懦  
其後如黃魯直云平生久要劉文叔不肯為渠作三公

能令漢家重九鼎桐江波上一絲風戴式之云萬事无

心一釣竿三公不換此江山平生恨識劉文叔惹起虛  
名滿世間潘樞有云蟬冠未必似羊裘出處當時已熟  
籌但得諸公依日月不妨老子臥林丘皆佳句也因併  
及之

賀方回

賀鑄字方回少為武吏換文資善長短句

方回嘗言學詩於前輩得八句云平澹不流於淺俗奇古不鄰於怪僻題詠不窘於物象叙事不病於聲律比興深者通物理用事工者如已出格見於成篇渾然不可鑄氣出於言外浩然不可屈尽心於詩守而勿失

題定林寺

破冰泉脉漱籬根壞衲遙疑挂樹猿蠟屐舊痕尋不



見東風先為我開門

**王直方詩話**

云賀方回嘗題此絕于定林寺荆公見之

大加稱賞錄此知名

。茅塘馬上

壯畝忽忽負當年回羨農家過我賢水落陂塘秋日薄仰眠牛背看青天

**王直方詩話**

云方回茅塘馬上詩末兩句殊有意味寫出

野興

。望夫石

亭思婦石下閱幾人代蕩子長不歸山椒久相待

微雲陰髮彩初月輝娥黛秋雨疊苔衣春風舞羅帶宛然姑射子矯首塵冥外陳迹遂無窮佳期從莫再脫如魯秋氏妾結桑下愛玉質委淵沙悠復安在

**王直方詩話**

云方回嘗作望夫石詩交游間無不愛之

余謂田承君云此詩可以見方回得失其所得者琢磨之功所失者太粘着皮骨耳承君以為然

**后山詩話**

云望夫石在處有之古今詩人共用一律惟

劉禹錫云望來已是幾千歲只似當年初望時語雖拙而意工黃叔達山谷之弟也以顧况為第一云山頭日風和雨行人歸來石應語意皆工江南有望夫石

每過其下不風即雨疑况得句處也

○餘話詳見王建望夫石詩後

**附**黃山谷寄賀方回

少游醉臥古藤下誰與愁眉唱一杯解作江南斷腸句只今惟有賀方回

**任天社**云秦少游作好事近曲曰醉臥古藤陰下了不

知南北賀方回有青玉案曲曰彩筆新題斷腸句而皆知名于世時少游已死矣

憲謂此詩後兩句是襲太白詩中解道澄江淨如練令人長憶謝玄暉語意也

**謝無逸**

**冷齋夜話**云謝逸字无逸臨川韻人勝士也工詩能文

黃魯直讀其詩曰是張流也恨未識之耳

**無逸**號溪堂居士有溪堂集行于世其詩有云老鳳垂

頭噤不語枯木槎牙噪春鳥又曰貪夫蟻旋磨冷官魚

上竿又曰山寒石髮瘦水落溪毛凋皆為魯直所稱賞

○送董元達

讀書不作儒生酸躍馬西入金城關塞垣苦寒風氣惡歸來面皺鬚眉班先皇召見延和殿議論慷慨天



開顏謗書盈篋不復辯脫身來看江南山長江袞  
蛟龍怒扁舟此去何當還大梁城裏定相見玉川破  
屋應數間

○寄隱居士

處士骨相不封侯卜居但得林塘幽家藏玉唾幾千  
卷手校韋編三十秋相知四海孰青眼高臥一麾今  
白頭襄陽耆舊節獨苦只有龐公不入州

**漫叟詩話云**

謝无逸學古高潔文詞煅鍊篇篇有古意

尤工於詩余愛其送董元達及寄隱居士二詩皆佳作  
也淮南潘邠老與之甚熟二公皆老死布衣士議惜之

○鐵柱觀

豫章城南老子宮堦前一柱立積鍊云是旌陽役萬  
鬼夜半昇來老蛟穴插定三江不沸騰切勿搖撼坤  
軸裂蒼苔包裹鱗皴皮我欲摩娑肘屢掣旌陽挈家  
上天去只留千夫應門戶西山高處風露寒茲事恍惚  
從誰語安得猛士若朱亥袖往橫山打狂虜

**復齋漫錄云**

晉許遜為旌陽令時江西有蛟為害旌陽

與其徒吳猛伏劔殺之遂作大鐵柱以鎮壓之今豫章  
有鍊柱觀而柱猶存也

○續潘邠老句

詩集卷十

古

滿城風雨近重陽。無奈黃花惱意香。雪浪翻天迷赤壁。令人西望憶潘郎。

滿城風雨近重陽。不見修文地下郎。想得武昌門外柳。垂垂老葉半青黃。

滿城風雨近重陽。安得斯人共一觴。欲問小馮今健否。雲中孤鴈不成行。

**公齊夜**

黃州潘大臨工詩。有佳句。然貧甚。東坡山

谷尤喜之。臨川謝无逸以書問近新作詩。否。潘答書曰。

秋來景物。是詩思恨為俗氣所蔽。翳昨日清臥聞。曉林風雨。声遂起。題壁曰。滿城風雨近重陽。忽催租人。

至今人敗思。止此一句奉寄。聞者莫不笑其迂闊。

**呂居仁**云。潘邠老嘗得詩。滿城風雨近重陽。文章之妙。

至此極矣。後有詩托謝无逸綴成云。病思王子同傾酒。

愁憶潘郎共賦詩。為此語也。

**謝無逸**

潘邠老有滿城風雨近重陽之

句。今去重陽四日而風雨大作。遂用邠老之句。廣為三

絕。

**詩說**

詩之有思。卒然遇之。而莫過有物敗之。則失之。

矣。故昔人言。覃思。垂思。抒思之類。皆欲其思之來。而所

謂。亂思。蕩思。者。言敗之易也。鄭祭詩。思在灞橋風雪中。



馮子。上唐求詩所游歷不出二百里。則所謂思者豈尋常咫尺之間所能發哉。

# 胡少汲

**黃山谷云**少汲後生中豪士也。讀書作文殊不塵埃。使  
之不倦。雖競爽者未易追也。

與劉邦直

夢魂南北昧平生。邂逅相逢意已傾。楚國山川千疊  
遠。隋堤煙雨一帆輕。我無健筆翻三峽。君有長才肅  
五兵。同是行人更分首。不堪風樹作秋聲。

**山谷云**少汲此詩同是行人更分首。真佳句也。解后相  
逢意已傾。已道了劉三十一矣。

和山字韻

章句飄飄續小山古風蕭瑟筆追還海鵬共擊三下  
里鐵馬同歸十二閑功業會看鐘鼎上聲華已在縉  
紳間他年記憶怜衰老為報西川引一班

桐江詩話

少汲宣和間在河朔作漕日同官陳亨伯

輩唱和山字韻少汲寂後和城人皆漢服

漁隱叢書

元豐間王平甫有海鵬未擊三千里天馬

須歸十二閑之句甚為一時諸公所稱道今少汲所云  
豈非剽平甫之句但易三字以為已作邪

劉貢父

劉元城先生云

劉貢父好譎然立身立朝極有可觀故

其喜與之交遊也

詠史

自古邊功緣底事多因嬖倖欲封侯不如直與黃金  
印惜取沙場萬髑髏

貢父詠史詩往

指王韶李憲輩唐人曹松

詩亦是此意

曹松已亥歲



澤國江山入戰鬪生民何計樂樵漁憑君莫話封侯  
事一將功成萬骨枯

(愚因記)張藉將軍行云邊城親戚曾戰沒今逐官軍收  
舊骨磧西行見萬里空幕府獨奏將軍功杜子美出塞  
曲云功名箇麒麟戰骨當速朽(劉灣)出塞詞云死是征  
人死功是將軍功(劉潛夫)國殤行云嗚呼諸將官日穹  
豈知萬鬼號陰風(陸龜蒙)築城詞云城高功亦高爾命  
何勞惜此詩此意真足以為貪功生事輕視人命者之

。絕句

晴谷滿地初晴後綠樹無人晝夢餘惟有南風舊相  
吹

(愚謂)唐盧綸老圃堂詩云邵平瓜圃接吾廬谷雨乾時  
偶自鉏昨日春風欺不在就床吹落讀殘書(賈父)此詩  
與綸詩意相近皆佳作也

後村云賈父此詩與劉原父春草詩皆有元和意度不  
似本朝人詩併附于左

劉原父春草

春草綿綿不可名水邊原上亂抽榮似嫌車馬繁華  
地絕入城門便不生

愚謂原父此詩是將羅鄴賞春詩意翻一轉真有唐人  
意度

**羅鄴賞春**

芳草和煙煖更青  
閉門要地一時生  
年々點檢人間  
事惟有東風不世情

**絕句**

壁門金闕倚天開  
五見宮花落古槐  
明日扁舟滄海  
去却將雲氣望蓬萊

王直方詩話云此詩劉貢父自館中出知曹州時作舊

云却將雲裏望蓬萊荆公改作雲氣又云五見宮花落

古槐此句乃詩法也又王仲至召至館中試罷題一絕

於壁云古木森々白玉堂長年來此試文章日斜奏賦

長楊罷開拂塵埃看畫墻舊云奏罷長楊賦荆公改云

奏賦長楊罷亦云此詩法也更作賦奏九原

**寄王荆公**

青苗助役兩妨農  
天下嗷々怨相公  
惟有蝗虫偏感  
德又隨車騎過江東

泊宅錄云荆公罷相出鎮金陵時飛蝗自北而南江東

諸郡皆有之百官餞荆公於城外劉貢父後至追之不

及見其行榻上有一書屏因書一絕以寄之



精選古今名賢叢話詩林廣記卷十

后集







所圖書